

Qajeelcha Geggeessitootaa

Baga gara kadhannaa guyyoota kudhanii kan bara 2025tti nagaa dhuftan! kadhannaan bakka daddamaqiinsi itti dhalate ta'uu isaa ni amanna. Akkuma nuti soomaa fi kadhannaadhaan isa waliin barbaadaa turre, Waaqayyoo waaggoota darban keessa malaallewwan hedduu isaa hojjeteera. Hafuura Qulqulluun warra jijjiraman waldaatti dabaluuudhaan, dhimma lallabbii wangeelaatiif fedhii namootaa haaressee, waldaas dadamaqsee, hariiroo jiru hundas deebisee fayyiseera.

Sagaleen waaqayyoo gara haaromsaatti si waamaa jiraa? Macaafni qulqulluun sagalee abdiitiin siif guutee jira.

“sabni koo warri dhuunfaa koo ta'an kun gad of deebisanii yoo ana barbaaddataniif, yoo karaa isaanii isa hamaa irraa deebi'aniif yoo na kadhatan, ani waaqa irraa isanan dhaga'a, cubbuu isaanii isaaniif nan dhiisa, biyya isaaniis nan fayyisa.” (2Sen. 7:14).

“Isin ana in barbaaddattu; garaa keessan guutuudhaan yoo ana barbaaddattan, ana inargattu.” (Erm.29:13).

“Maqaa gooftaa kan waammatu hundu infayya” (Yo'el 2:32).

Gara waaqayyooti dhiyaadha innis gara keessanitti indhiyaataa. (Yaaq. 4:8)

“Kunoo balbala dura dhaabadheen jira eenyu illee sagalee koo dhaga'ee balbala yoo naaf bane olgaleen isaa waliin irbaata nyaadha, innis anaa wajjin inta'a.” (Mul 3 20).

Amma jireenyaan eessa yoo jiraatte illee, waaqayyoo hamma ati yaaddu caala sitti dhiyoo jira. Inni eebba isaa maatii kee irratt, waldaa kee irratti, hawwasa irratti, fi addunyaa irratti gad dhangalaasuu fedha.

Yaada Walii Gala Kadhannaa Guyyoota Kudhani

Qajeelfama kadhannaa guyyaa guyyaattii

Tokkoo tokkoo guyyoota kudhaniitiif qajeelfama kadhannaa laanneera. Tokkoon tokkoon qajelfamichaa dubbisa macaafa qulqulluu, dubbisa yeroo waaqeffannaa, heertuu macaafa qulqulluu ittiin kadhatamu, mata duree kadhannaa fi faarfannaa garaa garaa hammatee jira. Tokkoon tokkoon hirmattotaa yeroo kadhannaa kanatti hordofuuf akka isaaniif malutti akka isin qajelfamicha barresitanii laataniif isin gorsina.

Waldoonni addunyaa guutummaa irra jiran hundi waa'ee tokkoo tokkoo mata duree guyyaa guyyaan dhiyaatuuf kadhannadhaan wal argu. Karaa heertuwwan Sanaa fi gaaffii kadhannaa Sanaa warra kadhatanitti dabalamaa, Gruu guutummaa mata duree kadhannaa tarreffaman sana keessa gadi seenuun akka isin irra jiraatuutti hin yaadinaa. Gara garee xixiqqaa kadhanaadhaaf gar gar hiramaniitti hiramuu barbaadduu ta'a, Tokkoon tokkoo garichaa gaaffilee kadhannaa kee sana hundaaf tokko tokkoon akka siif kadhatan barbaadda ta'a.

Akkasumas sanadii gaaffiilee kadhannaa waldaa addunyaa kan jedhu itti daballeera. Maatii waldaa addunyaa keenyaatiif walii wajjin kadhachuun barbaachisaa dha, garuu gareen kee hawwaasa kan biraa keessaa daawwannaa kan dhufan yoo jiraatan fedhii naannootiif kadhachuudhaaf yeroo dabalataa barbaaddu ta'a. Keessummoonni sun akka gaariitti akka simataman itti hadhaga'amuutii qaama garichaa ta'uun bifa itti dhaga'amuu danda'uutiin kadhadhu.

Tokkoo tokkoo wayita kadhanaatiif yeroo kennaman.

Gareen kee kadhannaa ijoo irratti akka xiyeeffatee kadhatuuf yeroo kadhannaa kee xiqqeessi. Tokkoo tokko kutaa kadhannichaa irratti yeroo hammamii akka dabarsitan addaa adda ta'uu danda'a. qajeelfamni armaan gadii yaada filatamee dha:

- **Baga nagaan dhufanii fi seensa:** daqiiqaa 2—5 tti
- **Lallaba gabaabaa heertuu dubbisan (qajeelfama kadhannaa guyyaa guyyaa keessaa):** daqiiqaa 5.
- **Karaa heertuu “sagalee waaqayyootiin kadhachuu” (isa qajeelfama kadhannaa guyyaa guyyaa keessa jiruu):** daqiiqaa 10 – 15
- **Qabxiilee isa “yaadawwan kadhanna baayyee” jedhu isa (qajeelfama kadhannaa guyyaa guyyaa jedhu keessatti argamu):** daqiiqaa 20 –30
- **Faarfannaa fi galataan deebii hakennuu:** daqiiqaa 5 --10

Warra kaaniif kadhaddhu

Namoota shanii hanga torbaa ga'an, waaqayyo jireenya keessanii keessa kan kaa'eef akka kadhaniif namoota jajjabeessaa. Firootaa keessan ta'uu danda'u, michoota keessanis, walii wajjin kan hojjetan, ollaa keessan, nama isin yeroo hunda wal argitan ta'uu danda'a. Maqaa namootaa filuu fi yeroo guyyoota kudhanii kanatti ala ba'anii isaanitti lallabuuf akka isaan hafuura qulqulluu qajeelfama gaafataniif isaan jajjabeessi. Maqaa namoonni kadhaniifii sana kan irratti galmeefatan waan akka waraqaa xiqqaa qopheesiifiitii dhiyeesiif.

Kadhannaa Guyyoota kudhanii keessatti Tajaajila sanbataa

Sanbata lamaanuu yeroo tajaajila waldaatti kadhannaa xiyeeffannoo addaa barbaadu fi kadhannaa Kanaan dura deebii argateef dhugabaatii kee kan itti lattu yeroo qabaadhu. Nama waa kalaquu danda'u ta'i-maatii waldaa wajjin yeroo kadhannaa guyyaa guyyaatti wal ga'aan, maal akka ture waliif qooduuf karaa hedduutu jira.

Ayyaneffannaa sanbata isa xumuraa.

Sanbanni inni xumuraa waaqayyoo guyyoota kudhan keessatti waan inni hojjete hundaaf yeroo gammachuu guddaa akka ta'uutti karoorfamuutu isa irra jira. Kadhata yeroo hedduu fudhatamee kadhata deebii argateef dhugabaatii ta'e, barsiisa macaafa qulqulluu/lallaba kadhannicha irratti ta'e, fi farfannaa gara kadhannaatti ceesiisuuf ta'e akkaataa Kanaan namoonni kadhannaa guyyaa guyyaa irratti hirmaachaa kan hin turre warra kaanii wajjin kadhachuudhaan gammachuu akka argataniif yeroo kadhannaa haqabaatan. Yaada dabalataaf adaraa ibsa ayyaneffannaa sanbata jedhuu jala ilaali.

Kadhannaa guyyoota kudhanii hordofuu

Waaqayyo waan karaa waldaa /garee keetii yeroo kadhannaa guyyoota kudhanii keessa jalqabe hammam akka itti fufuu qabaatuuf kadhaddhu. Tarii wayita kadhannaa torbaniitiin itti fuftu ta'a. ykn tarii waaqayyo waldaa keessan keessatti tajaajila haara akka jalqabdaniif ykn hawwasicha tti gadi baatanii akka dhugaa baataniif feetu ta'a. Banaa taatanii gara waaqayyo isiin geggeessutti deemaa. Isaa waliin yoo deemtan akka gammaddan ni beektu. Sanadiin qom-qabaa ala ba'aanii dhugaa ba'uu (outreach) jedhu yaadawwan tajaajilaatiin guutamanii jiru.

Dhugabaatiiwwan

Adaraa keessan waaqayyo yeroo kadhannaa guyyoota kudhanii keessatti attamitti akka hojjete odeeffannoo keessan qooda. Seenaan keessan warra kaan baay'eedhaaf jajjabina ta'aatii. Dhugabaatii keesan toora marsariitii www.tendaysofprayer.org [irra galchuu dandeessu.](#)

Argisiftuwwaan Kadhannaa Tokkummaa

Walii galuu

Yeroo namni tokko gaaffii kadhataa Waaqayyooti dhi'eefatu, warri kaan gaaffii sanatti walii galanii kadhachuu isaanii haa mirkaneefatan—kun humna qabeessa ta'a. sababa namni tokko waa'ee gaaffii sanaaf kadhateef namni kadhachuun barbaachisu kan biraan hin jiru jennee yaaduu hin qabnu. “Ammas isiniin nan jedha; isin keessaa namoonni lama biyya lafaa kana irratti waa'ee waan tokkootti walii galanii yoo kadhatan, abbaa koo isa waaqa irraa biraa wanti isaan kadhatan in kennamaaf” (Mat. 18:19). Kadhannaadhaan ol qabamuun attama kan nama jajjabeessuudha!

Abdii Waaqayyoo Kan Ofii Godhachuu

Yeroo kadhatan abdii Waaqayyoo kan isaanii akka godhataniif garee jajjabeessi. Rakkoo keenya irratti xiyeefachuun salphaadha. Garuu abdii Waaqayyoo kan keenya yeroo godhannu amantiin keenya in dabala, wanti Waaqayyoo hin danda'amne akka hin jirres mataa keenya in yaadachiifna. Abdiin kun immoo rakkoo fi dadhabina keenya irraa ija keenya kaafnee Yesus irra ka'aachuuf nu gargaara. Dadhabinaa fi wallaansoo hundumaaf abdii Macaafa Qulqulluu argachuu in dandeenya. Fuula duratti kan isaanii godhachuu akka danda'aniif abdii caaluu argachuu fi barreessuu akka danda'aniif saba jajjabeessi.

Soomii

Soomii kan akka TV soomuu, muuziqaa biyya lafaa, fiilmii, Interneetii, mi'eesituu yookiin nyaata bulleessuun isaa nama rakkisu kan biraa soomuu kadhannaa guyyoota kudhanii wajjin wal qabsiisi. Macaafa Qulqulluu qorachuu fi kadhachuuf, atii fi waldaan kee caalmaatti Kiristositti jabaachuuf akka si gargaaruuf yeroo dabalataa fayyadami. Soorata salphaa fudhachuudhaan sammuun keenya sagalee Hafuura Qulqulluu fudhachuuf heyyamna.

Hafuura Qulqulluu

Jireenya namaa keessatti yookiin haala addaa keessatti maal kadhachuun akka sirra jiru Hafuurri Qukqulluun sitti argisiisuu isaa mirkaneefadhu. Maal kadhachuu akka qabnu akka nuyi hin beekne, hafuurri Qulqulluun akka nuuf kadhatu Macaafni Qulqulluun nutti hima.

“kaka'umsa Hafuura Qulqulluutiin malee maqaa Kiristos qofaatiin kadhachuu hin qabnu. Kun “hafuurichi garuu aaduu isaatiin karaa namni dubbiidhaan mul'isuu hin dandeenyeen nuuf in kadhata” (Rom. 8:26) jechuun maal jechuu akka ta'e ibsa. Waaqayyoo kadhannaa akkasii deebisuuf in gammada. Yeroo nuyi dhugummaa fi walitti fufiinsaan maqaa Kiristosin kadhannee hafuura baafannu kakuun Waaqayyoo kadhannaa keenya deebisuuf “wanta nuyi yaaduu dandeenyu hundumaa irra safara malee caalchisee gochuu in danda'a.” (Efe. 3:20)” (*Christ's Object Lessons*, p. 147,

Yaadannoo Qabachuu

Yeroo kadhannaa guyyoota kudhanii yaadannoo kadhannaa qabachuun akka hirmaatonni yaada ijoo kadhannaa guyyaa guyyaa kan keessoo isaanii godhatan, waaqayyoo of kennuu qabatamaa fi eebba isaa hubatan gargaara. Kadhannaa keenya barreessuu fi deebii Waaqayyoo nuuf kenne galmeessuun daandii gara jajjabinaatti geessuudha.

Yoo barbaadde yeroo kadhannaa keessa akka namoonni kadhannaa dhuunfaa isaaniif deebii Waaqayyoo isaaniif kenne barreessaniif yeroo kennuu in dandeessa. Yookiin akka gareettis gaaffii kadhannaa fi deebii kenname yaadannoo irratti, posterii guddaa irratti barreessuu dandeessa deebatti deebi'anii ilaalu fi akka itti Waaqayyoo kadhata deebise ilaaluun kan nama gammachiisuu fi amantii ijaaruudha.

Kabaja

Ilaalcha kabaja qabu jajjabeessi, fakkeenyummaas taasisi. Gara kutaa teessoo mootichaatti dhi'aachaa jirra. Akkaataa fi namummaa keenyaan yeroo kadhannaa kana maal dhibdiidhaan ilaalu hin qabnu. Haa ta'u malee namni tokko walitti fufiinsaan jilbeenfachuun hin barbaachisu. Yeroo tokko akka namootatti toluu barbaadi, akka Waaqayyoo isaan geggeesetti yookiin akka isaanitti toletti hundumtuu jilbeenfachuun yookiin taa'u yookiin dhaabbachuu akka danda'aniif jajjabeessi.

Hima Kadhannaa

Kadhannaan gabaabaa fi ijoo barbaachisaa tuquu qaba. Kun kadhachuuf warra kaaniif carraa kenna. Kadhannaa kee hima muraasaan daangessi. Tokkoon tokkoon namaa yeroo dheeraa kadhachuu danda'a. kadhannaan gabaabaan yeroo kadhannaa hawwisiisaa taasisa, akkasumas gareen attamitti akka kadhatu yaada isaa tuquuf Hafuura Qulqulluuf heyyama. Hima kadhannaa gabaabaa gaalee “waaqa jaallatamaa” fi “Ameen” jedhuun banuu fi cufuu hin barbaachisu. Inni waaqayyoo wajjin dubbachuu itti fufuudha.

Callisa

Akka geggeessaatti yeroo kadhannaa to'achuu hin barbaadin. Galteen isaa warri kaan akka kadhataniidha. Yeroon callisaa waaqayyo onnee keenyatti dubbachuuf yeroo waan kennuuf yeroo dinqisiisaadha. Hafuurri Qulqulluun akka hojjetuu fi tokkoo tokkoo namaaf yeroo kadhannaa akka kennuuf heyyami.

Faarfachuu

Gareen kadhannaa gidduu makanii faarfatu, wal ga'ii kadhannaa isaanittis miidhagina dabalu. Faarfannaan dhi'aatan xumura sagantaa irratti tareefamaniiru. Kun yaada dhi'aateedha malee faarfannaa hunda itti fayyadamuutu barbaachisa jettee hin yaadin. Kutaa kadhannaa isa tokko irraa gara isa kaaniitti ce'uuf faarfannaan daandii gaariidha.

Gaaffii kadhannaa Fuudhuu

Garee keessaa gaaffii kadhannaa hin gaafatin. Qooda kanaa namoonni gaaffii isaanii akka kadhataniif itti dubbadhu, gaaffii kadhannaa dhi'aatanitti akka walii galaniif warra kaan jajjabeessi. Gaaffii kana dubbachuun yeroo kadhannaa kee baay'ee fudhata. Qooda waa'ee rakkinaaf kadhachuu Waa'ee rakkinaa dubbachuu keessa nu tursuu yoo danda'e Seexanni baay'ee gammada. Miseensi garee yeroo baay'ee gorsuu fi furmaata barbaaduu jalqabu. Humni Waaqayyo biraadha. Yeroo baay'ee kadhannu humni isaa caalamaatti gadi dhiifama.

Yeroo kee guyyaa guyyaattii

Kun baay'ee barbaachisaadha. Akka geggeessaatti isa wajjin haasa'uu fi sagalee isaa dubbifachuudhaan guyyaa guyyaatti miilla Yesus jalatti yeroo dabarsuu kee mirkaneefadhu. Jireenya kee keessatti waaqayyoon beekuu dursa yoo godhatte, muuxannoo miidhagaa akkasii siif bana. “haara’umsa guddaa keessatti humni biyya lafaa raasu kan inni dhufe iddoo kadhannaa dhoksaa keessaa ture. Achitti garboonni Gooftaa tasgabbii qulqullaa’adhaan kattaa abdii irra miilla isaanii dhaaban” (*The Great Controversy*, p. 210). Yeroo geggeessaan kadhatu Waaqayyo onnee irratti hojjeta!